



[www.miasto-ogrodow.eu](http://www.miasto-ogrodow.eu) | [fb.com/2016katowice](https://fb.com/2016katowice)

## KOŁYSANKA

Idzie ćmok, dychnij sie  
Wszystkie bajtle śpiom ty nie  
Jutro tyż bydzie dzień  
Teroz legnij, gibko spej

Księżyc już blinduje bo mo na noc  
Gwiazdkom tyż sie cknioło lampić s nim  
Tyś rojbrowoł bezdziń, że furgalo  
Koždy chachor teroz śpi /x2

Idzie ćmok, traci sie  
Larmo z ulic, auta śpiom  
Teroz już ni szteruj mie  
Oporzońdzić musza dom

S aniołkami na zygłówku sie pogodej,  
Łone ci pokożom z wirchu świat  
Zawarte już ślipka, lico młode  
Drzymie czy śpi już na blank /x2

Prziszło ćmok, wto tam wi  
Co tam w gowie bajtel śni  
Możno mu i ni roz  
Bebok jaki do snu wloz

Furt z nim by nie motłoł w twojij gowie  
Rojber sie z bebokiem rada do  
Przyńdzie słonko można mi opowie  
Wto mu przoło jak bez ćmok społ /x2